

〔萬曆〕順天府志六卷

〔明〕沈應文 張元芳纂修
北京圖書館藏明萬曆刻本

附《四庫全書總目》：順天府志六

卷《提要》

順天府志序

頃近寰寓以內雖支郡下邑
率有志以紀事而通都會城
則彬彬乎備已顧京兆獨闕
識者病焉嘉靖末有倡之者
以攷

順天府志

序

宮府故實不能得旋復中格余
尹京兆時聞之則亟嘆曰是
固宜格夫志各有體彼以志
京師者志京兆非其量矣且
宮府故實亡論嚴闕如溫室樹
者匪所宜譚即上林禽獸簿

長安盜賊數非其舊夫
主者誰能晰之

明明天子儻有意志

京師乎必割少府金捐水衡錢
出大官供具籩承明金馬諸
文學收天下圖書發石渠虎

順天府志

序

二

觀之藏授之筆札須之歲月
甫克有濟豈尹力所可辦者
尹歲時下令令二十七屬課
其殿最三督之猶然有至有
不至詎謂舉數十百年沿革
判病問之貴游諸大吏希其

一一置對耶必不能矣惟是
舉吾所轄者若山川井邑戶
口土田人物食貨建置興除
暨于城郭溝塗郵傳甲兵民
風吏治咸筆之書臚列明分
以備考鏡則其所可為者也

順天府志

序

三

方余在事業已有志於是會
民數軍黃及繇編更革諸賦
稅凡三年五年十年數十百
年而一見者適交集於是歲
余並以身了之矻矻窮晝夜
力不能休而章貢之後至矣

之闕文備首善之
 者厥功懋矣哉先
 沈令記
 究平余為之敘茲復敘京兆
 備矣然皆所云因人成事者
 夫何言獨念京兆與沈令並
 楚人又並以著作顯豈左史
 左徒之後固代有關耶人亦
 有言惟楚有材晉寔用之京
 兆氣節文章軼群無兩方為
 明用何論晉矣茲直其一斑云
 一爾軍書爰書之暇聊綴數語
 歸之志媿且感若其所以傳

順天府志

序

五

則京兆有敘大京兆至行且
 有述矣余何言哉
 賜同進士出身嘉議大夫都察
 院右副都御史巡撫南贛汀
 韶榔桂等處地方提督軍務
 前順天府府尹長樂謝杰漢
 甫書

順天府志

序

六



順天府志序

今寓內都縣皆有志志果以
地重執抑以人重執如以地
則江山亡恙而漢唐之事已
遠如以人則濂洛人遊而草
木猶自芬香余嘗過滌陽觴

順天府志

序

醉翁亭陟瑯琊巔取滌志讀
之評者謂古今一大畫豈非
以韋蘇歐湍一時人傑並在
遊詠然猶以詩文雄耳假
令明先聖之道開太平之業
東化筆以鉤鑄人羣造化今

古斯地以人重與鄒魯濂洛

關閩埒又合天地聖賢為一
大畫非志之大觀執順天府
召公肇跡之地古所稱慷慨
節俠區也我

成祖文皇帝定鼎於茲府稱首

順天府志

序

善凡巨之

郊廟庠序貢舉饗餉軍府之制

細之禮器樂舞藥工場師裨

官小說之事靡不由畿輔而

一瀋薄海每月之朔大京兆率

以四邑長奉

上宣諭羣父老什伯環跼拱聽
蓋所謂四方之極而又當
國家累葉熙明之會其剔蠹鑿
奸法尤脩詳至於今且紀載
闕如即欲尋
祖宗舊典及

順天府志

序

三

今上聖謨以稟度於約束安取
衷乎余承匱署府事會京尹
譙漢甫以巡撫南贛行出職
掌乙帙異圖為考適余有他
綬循循有待居間乃檄諸屬
覈覈得其已而志者如干備

參覽然猶若存若亡若有若
滅匪有必然足據之實唯是
我

列聖寶訓勅及官司念及民畧
者皆見大宛二邑碑記或諸
州邑志中因遂旁及其全若

順天府志

序

四

地理營建食貨政事人物統
文彙為六綱而析之為三十
七目檄才識宣朗如張子元
芳輩編次之閱月成會寅長
沈徵甫氏至相與重加校正
鋟諸梓余唯志辟則奕然大

魄廣與奕之局也其分合取
舍得失成敗奕之變也乃隲
括鳩搜覈分昉列非奕之譜
乎又辟則鑒然溫補調攝湯
液盪滌醫之方也察於血氣
然宗衛之間審於虛實羸乏之

順天府志

卷序

五

辨針醫之用也乃劑量時出通
袖仲明而極工巧極顛危而瘳
眩眩非醫之神乎然則志之
而紀載者陳迹也譜也方也
而志然於志言形色之外者神
細也奕之變化而鑒之妙用

也事迹跡遺憾係之陋丘
故墟過者躊躇君子覽形勢
扼塞則思握險控御巡鑿壺
櫟之政感金穀財貨則思制
節盈縮愛養損益之宜觀簪
組蟬聯節烈相矜琬琰相望

順天府志

卷序

六

則思泰山仰止與夫經畧制
置之軌訐謨遠猷之樹未病
而調算無遺策如是而寒巖
不生春涸轍不迴波吾不信
也雖然有本焉吾儒之學主
經世而肇於出世談恬冒

者必歸本於無然畔援無然
歆羨論綏和者必推原于秋
陽以暴江漢以濯然則吾儕
所以經濟世道者非先之以
無欲可乎必也掀天揭地樹
其志民胞物與擴其量繭絲
牛毛研其思酌古準今定其
識庶可以遊孔文之天追名
公之遺而躋斯世于仁壽之
域不則即撻岐黃之術擅奕
秋之長奚裨哉斯意也志之
而天能載奉所謂合天地重

賢為一大畫者也願與服官
者共勗焉

萬曆癸巳冬十月吉

順天府府丞譚希思子誠甫
頓首拜書



順天府志序

府之有志其昉於國史之遺
乎是故考時者證變度地者
閱勝觀風者驗治論世者定
宗子長孟堅而下其志天官
望理食貨政事循酷吏甚辨
蓋其慎哉順天古幽燕山戎
之域自召康公受脤邇漢魏
隋唐而後代凡幾變未有塹
山陘谷執大象以制四方者
維我

大皇帝龍翔北里遂

奠鼎焉

神聖代續繇今遡草昧於士習
民風亦凡幾變無問疇曩已
懸招俾射植準待趨實維其
人今

主上瑩精太平所為振刷有位

暨輿臺萌隸者噶噶

天語丁寧而又

詔博士家毋不軌於正及閭

右服舍踰制有大府之憲在

於維休矣臣子顧泄泄然罔

所敬應謂職何解在畢之余

矣世升降而政由俗詎以區
區簿書期會錢穀獄訟為足
盡職哉事固必準於志也前
此載籍希闊累朝故實幾已
無傳即我

列聖嚆植政教

順天府志

序

三

訓謨亦未免於掛漏識者閔之
同寅謝漢甫譚子誠氏爰命
所在官師蒐輯其遺覲縷成
帙將報竣會余奉

簡命趨至子誠氏謂余不容無
言余惟天地之大觀曰風

靈山河嶽瀆萬古猶旦暮而
俯仰今昔則人心不逞古也
道隆則隆道污則污政事張
弛感慨係之矣順天本以首
善風厲寓內廼寓內豪俠及
無賴子萃止

順天府志

序

四

輦轂揅弄短長中人睚眦則
禁戢之難戚畹勛庸藉有土
公侯之貴侈襦袴而蕩踰禮
義則教誡之難冠鷄鵠挾金
丸而走市者什伯為羣甚乃
煬竈拔楊耦二五以恣睢宮

掖則

黨之難諸下邑若

霸城

聞其人喜鬪多崔

苻警漁陽無終則邊胡連遠

矣戎馬介偪郊關

前皇帝時每有殷鑒則寧內而

攘其外之難總之慷慨悲歌

順天府志

序

五

士沿桀鰲之習慣伎沉勇人

挾浮衰之風剔蠹還淳偕之

大道是在有司責耳漢志京

兆吏甚夥獨趙公廣謹

延壽張公敞二三輩最

秋然止於刺姦鋤暴方諸雅

化非其質矣夫天子建長吏

以綏氓萌豈務勝之邪宣尼

宰中都及暮化馳四方民則

彼其政曾易民而治哉前後

蒞茲土者夫非誦法孔氏而

瑕瑜不掩幸此志之尚可索

順天府志

序

六

吾人宜何去從也嗟夫兩京

三都其稱恩澤盛矣於規諷

之語或闕子虛游獵其誦遊

樂侈矣於勸戒之義未明茲

國家典憲昭如星日毋寧使

人謂治不過漢而漢吏且遜

謝不敏乎則我有官君子可
藉手與榮施若曰慙以炫目
而已則五都之湊珠璣珍貝
可勝計乎其以典憲為旒也
匪今日之所以志矣

賜進士第嘉議大夫順天府府

順天府志

序

七

尹古越沈應文書



順天府志目錄

第一卷地理志

金門圖

畿輔圖

分野

沿革

疆域

形勝

風俗

山川

古蹟

第二卷營建志

城池

公署

學校

壇社

郵舍

寺觀

創造

第三卷食貨志

戶口

田賦

徭役

一

馬政

經費

物產

第四卷政事志

歷官

職掌

名宦

祠典

武備

第五卷人物志

選舉

功烈

節孝

鄉賢

隱逸

流寓

仙釋

第六卷藝文志

碑刻 題咏

順天府志

目錄

二

順天府志卷之一

順天府府尹沈應文

府丞譚希思訂正

中楊應尾判吳有勇

通譚好善 陳三畏

推凌雲鵬知縣崔謙光仝閱

教李茂春訓導陸禎

管大武高好問分閱

大興縣丞張元芳彙編

順天府志

卷之一

地理志

夫誌記也國以史而郡以志記載之義也矧

王畿重地

輦轂大觀金門有圖尊

治位也畿輔有圖重王國也仰觀於天則分野所

以考災祥俯察於地則疆域所以明分守形

勢具而奇勝畢昭沿革知而廢興具在風俗

起於民間古蹟沿於上世以至山林藪澤誕

興廢其亦三統

皇圖之肇瑞也歟故志地理

金門圖說


古帝王創業垂統以貽後世作法於儉猶慮其奢彼望夷迷樓昆明艮嶽何以稱焉

文皇帝置赤符於燕地非不辟力非不贍而明堂寢殿離宮別館週十餘里而已

列聖相承式遵


祖訓不營一棟不廣尺地其真億萬年民物之休也歟

則手三



畿輔圖說

昔者夏后氏置五服而天下治湯之王也分九
畿以重王國四方承辟畿輔郊圻王人所為施
政本也辨方位量地視坊使知要害里道均
焉耳按圖致考庶知化行自近始也



京兆圖記

順天古京兆故無乘併圖闕焉縣蕭相國入關收圖籍之義推之其為典之闕也甚矣比余在事合一統志九邊圖暨王太司馬家所載水利圖參訂之圖乃成中為都城南為固安霸州北為昌平東為通州三河香河玉田西為良鄉房山東北為薊州東南為武清西南為涿州固安之東為東安永清霸州之南為保定文安大城昌平之東為懷柔密雲通州之北為順義南為潮縣東南為寶坻薊州之北為平谷東為豐潤東北為遵化東抵灤州界三百九十里西抵蔚州界三百里南抵任丘界三百五十里北抵延慶州界一百六十里東西相距六百九十里南北相距五百一十里其川之大者為大通河盧溝河胡良河桑乾河皆發源於西北為琉璃河巨馬河白溝河皆發源於西為沙河唐河潭沱河皆發源於西南北為白河潮河東為流河灤河故北為草橋河而為會同河渾河清河單清

順天府志

卷之一

三

順天府志

卷之一

三

交河中為榆河雖為派不同同東南流以入海寶坻之南天津之北三角淀大三角淀即其處也交於盧溝胡良間者為新站河長站河夾河交於桑乾巨馬間者為白溝河交於沙河潭沱間者為雄河磁河稍東有界河雙入河稍南有玉帶河半截河新挑河草橋之交為運河而小泉甘泉湯泉聖水諸流則其細者也山之大者曰天壽曰紅羅曰玉帶曰瑞屏曰園亭曰明月曰崆峒皆迤邐北之名山也曰鴈老曰五華曰穀積曰大房曰石經曰龍安曰獨鹿皆迤邐西之名山也鼎峙其間者曰金山銀山龍山蟒山螺山牛山孤山盤山靈山孔山瓮山西山香山燕山碣山其次則徐無幽都鴉鵲葡萄白松兔兒玉泉棋盤平坡馬鞍鼠谷而大湯小湯呼奴莫金亦其細者也山多自西而之北水多自西而之南此其大都也者隸於山水之間而增勝者則店有麟過先鋒嶺有摘星分水谷有黍谷峪有桃花泉有一畝神山其著者也餘則有不可勝

書者嗟乎西北崇岡隣于居庸則遼之防也東南巨浸過于天津則海之路也中土微涖亘于畿甸則漕之途也漕修千水衡邊倚于幕府亦云備矣唯海獨闕頃者日東不靖朝鮮破亡海之視清與邊要焉草頭水道二沽非其入寇之路乎顧議者脩鴨綠而忘天津脩天津而忘二沽皆非策之得者有如春和乘颶空國入犯以倭奴之悍關白之黠恐非二百餘間之營房六十餘艘之單舸其兵力足制之死命也愚謂當於天津左右別築一城以宿重兵用元戎統之於二沽左右別建一堡以分奇兵用副帥統之提督退屯平壤以護遼陽經畧往來山海以資彈壓庶幾備禦之一策者不然舍其田而芸人之田余恐朝鮮未必復土京未必平蕭牆隱憂方滋大矣余雖無腆備員守土之臣故因繪圖而著其說如此亦古職方之遺意也

順天府志

卷之一

五

分野

昔人謂陰陽之精其本在地而上發於天應為列星在野象物在朝象官在人象神周禮保章氏以星土辨九州之地所封之域天則有列宿地則有界限國殊窟穴家占物怪以合時應闡機祥高辛之前重黎尚矣於唐虞羲和夏昆吾殷商巫咸周萇弘史佚其下靡得而鏡云迺春秋元命苞謂尾箕散為幽州分為燕國爾雅云幽州為析木之次晉書曰析木攸訖訖幽并箕尾幽燕也自尾九度至南斗十一度為析木之度于辰在寅又曰廣陽入箕九度唐志謂箕尾析木津也初尾七度中箕五度終南斗八度應壯斗漁陽等郡天文志曰析木津之次中台之下下台之上又曰冀主壯斗樞星又曰辰星主燕趙代森羅記云尾九星九度少強三度入寅于辰在寅為人馬宮此載籍極博不能考信然其占曰尾為九子夫尾九星箕四星近心一星為后妃次三星為三嬪末二星為妾媵屬後宮

順天府志

卷之一

五

場故得兼子子必九取尾有九星也九星均明
小大相承則后官敘而多子箕為教客曰口舌
蓋箕以簋楊調弄有舌象又受物有去來客之
義也詩云維南有箕載翕其舌又曰哆兮侈兮
成是南箕謂為教客行請謁也其占明朗則無
讒間凌雜米鹽所從來矣嘻載觀史冊其效可
數而知也福德在於吳則弱晉存玄枵淫於歲
則宋鄭餓四星聚東井而晉元王吳景星見箕
尾而慕容復燕孰謂象緯可盡哉今以尾箕

順天府志

卷之一

六

臨全燕則屬邑既無專宿以玄象玩占測則垂
應況在

帝應受釐降禧其在今日乎雖然人見其朕天示
其則返躬格天存乎其德故熒惑守心宋景所
以啓祥實沈為崇晉侯所以得咎是以孔子論
六經紀異而說不書至天道命不傳子產曰天
道遠人道邇其大較可睹矣

沿革

夫封圻不殊名號代變君子于此觀廢興稽本

始焉燕蓋古冀州城顓頊高陽氏創九州其所
都畿內曰帝丘壯至于幽陵唐為幽郡有虞氏
制天下為十二州析冀州為二分衛水以南為
并州燕以壯為幽州夏商復為冀州武王克商
封召公於燕復析為幽并春秋戰國俱為燕地
秦始皇帝兼并海內分天下為三十六郡以燕
為漁陽上谷發遠左戍漁陽者是也楚漢之際
項羽封臧荼為燕王高帝五年臧荼復立盧
綰為燕王又分置涿郡元狩中改燕國為幽州

順天府志

卷之一

七

元鳳初改為廣陽郡本始初更為廣陽國東漢
省廣陽合上谷永光初復立廣陽郡後罷郡立
幽州治薊三國時魏為燕國晉改范陽國後魏
於薊立燕郡又於郡置幽州東晉成帝七年封
慕容皝於燕帝奕大平五年秦苻堅執慕容暉
以歸壯齊於幽州置東北道行臺後周改置燕
及范陽二郡燕立總管於幽州至秦孝武大元
元年慕容垂復稱帝於燕隋開皇九年滅燕郡
廢州存後省入涿郡唐武德元年滅隋復置幽